

Mëssa de ringraziament por la fin de scola: en venerdì, ai 15.06.2012 dales **08:30** a La lla por la scola mesana y scoles altes dales **11:00** a Badia por la scola elementara.

«*A maestri y scolars na bona conclujiun y de beles vacanze*»

Dlijia da Oies: Siur Pire dij dër bel GIULAN a düc chi che é gnüs a lavè la dlijia y la çiasa dl Sant da Oies .



En dumènia, ai 17.06.2012 complèsc **Lois Castlunger** da Sompunt **80** agn. L'Senioreclub y düta la Comunità de Badia ti aoda düc l'bun, sanité y benedisciun de Df. L' recordun adüm cun süa familia tla S.Mëssa da festa dl Sacher Cör de Gejù.

Jun a pé cun l'KVW: chësc iade fajunse l' "Poststeig" da Urtijèi a Laiun. Se abinun en mercui, ai 13.06.2012 dales 08:30 dan Çiasa Runcher por ji cun auti privac ia en Gherdèna. Informaziuns se dà laco (0471/839772).

L'Aministraziun dla Çiasa de Palsa Ojöp Freinademetz ó formè na graduatoria por titui por les suandèntes inciaries a tèmp determiné:

Operadù/ëssa sozio sanitar/a (4. cualifica funziunala)

Infermier/a profesc. o diplomè/ada (7. cualifica funziunala)

Operadù/ëssa sozio-assist. o assistènt/a jënt atèmpada (5. cualifica).

Les domandes mëss gni presentades anter **15.06.2012** y informaziuns plö avisa ciafun al nr.0474/524700.

L'Sorvisc ai jogh lascia alsavèi che:

- A Badia él çiamò posc lèdi por l'proiet "Isté deboriada 2012". Informaziuns y prenotaziuns al nr. 0474/523070 .
- En venerdì ai 15.06.2012 vègnel organisé na **griliada** olache düc i jogh é invià. S'incuntun dales 17:00 dan l'local di jogh a Badia. I colaboradùs dl SAJ ves aspeta!

Dal vagnele dla festa dl Sacher Cör de Gejù - do S.Jan 19,31-37

Deach'al è la vèia dla festa y i corps ne dô nia restè tratan le sàbat söla crusc, à i iüdes perié Pilatus, che al ti gniss rot les iames ai cruzifijà y tut jö sües salmes, deache chësc sàbat é n gran santù. Insciö él gnü i soldas y ti à rot les iames al pröm, spo al ater che é gnü metü söla crusc cun èl. Canch'ai è rovà da Gejù y à odü ch'al è bele mort, ne ti ài nia rot les iames, mo un di soldas ti à ficé la lanza tl costà y atira él rogorü fora sanch y ega. Y chël che à odü chësc, à dè testimonianza, y süa testimonianza é vèi. Al sa ch'al cunta ci che é vèi, ch'i cherdèise inçe os. Deache chësc é sozedù, por che la parora dla Scritöra s'adempliss:

An ne dess ti rumpì degun òs. Y te n ater post dij la Scritöra: Ai çiararà sön chël che ai à traficé.




Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 29

Edema: 10.06.- 17.06.2012 - B

LES ANTLÈS 2012



Chël che
mangia mia
cern y bër mi
sanch, resta
te mè y iö
resti te d'ël.

FUNZIUNS SACRES

10.06. FESTA dles ANTLÈS – “CORPUS DOMINI”

10.00 Mëssa solena ciantada

Prozesciun eucaristica cun 2 Vangeli

18.00 por fam. Maria y Nando Irsara en ringraziamënt

†to Sepl Pezzei - aniversar

†ti Mariangel, Maria, Antonietta y Richard Anvidalfarei

11.06. Lünesc

20.00 †ti Nane, Pasquale y Walter Irsara - aniversar

por fam. Pezzei - S.Linert

por fam. Saturnino en ringr. y onur de S.Ujöp da Oies

12.06. Mertesc

Degüna S. Mëssa

13.06. Mercui

07.25 †ti Caterina y Lois Craffonara - aniversar

†to Carlo

†ti Luigi y Iudita Frenademetz y Rosina Pitscheider

14.06. Jöbia

Degüna S.Mëssa

15.06. Vëndres – **Mëssa de conclujiun dl ann de scola**

11.00 †ti Paul y Petronilla Vittur - aniversar

†ti de Paolina Piccolruaz

†to Antonio Palumbo



16.06. Sabeda

16.00 S.Mëssa a Oies

17.06. FESTA dl SACHER CÖR de GEJÙ

10.00 Mëssa solena ciantada y prozesciun cun 2 Vangeli

15.00 Ora de adoraziun

18.00 †to Stefo Irsara - aniversar

†tes Frieda, Maria y Nane Valentin - aniversar

†ti de Anna y Franz Rudiferia

Sciöche la Conferënza Taliana di Vëscui à fat fora va l'oferta dla Festa dles Antlès ala jënt dl tremoroz tl'Emilia Romagna.

Dala VITA dla CÜRA

Cunsëi de Cura: tla ultima sentada èl gnù fat fora che ai 23 de setëmber gnaral tigni **l'dé dla comunité sön munt**, plö avisa sön Pre de Comun: na dumënia da passè düc adüm amesa la bela natüra. Ciarede de tigni a mënt chësc terminn y informaziuns plö menüdes ciafëise spo plö inant.

• En Lünesc de Pasca, ai 01.04.2013 gnaral **confirmè** dal Vësc Ivo Muser les mitans y i mituns de Badia, La Ila y S.Ciascian. Chësc é gnù fat fora dai proi de nostes cüres.

Da d'altonn piarà ia la preparaziun. Ince por geniturs, toç y totes di cresimané gnaral pitè da setëmber inant eserzizi söl Spirit Sant. Por informaziuns y iscriziuns, che messess gnì fates cina ai 20 de lugio, cherdede sö Rita (0471/839786 o 3425020860).

Ora de oraziun de Taizè: ala vëgn indò tignida en vëndres, ai 15.06.2012 dales 20:00 a Oies. Düc é invià a gnì a perié, meditè y ciantè.

FESTA DE IUBILEUM DI 275 AGN DL COR DE DLIJIA RINGRAZIAMËNT

Orun di de cör giulan a düc chi che à tut pert ala festa de iubileum dl cor y che é ince gnüs a sé ascutè sö dal concert. Al é stè por nos na gran ligrèza podèi partì cun os chësc bel y sinti momënt.

Orésson ringrazié de cör:

Siur Degan Iaco Willeit y düc i atri proi, l'Consëi de Cüra, la Müjiga de Badia, chi che à sonè para la santa mëssa, i organisé y chi che à sonè da vila, i Stödafüch de Badia, l'mone Bruno y i ministranc, chi dai confaruns.

Giulan ince ai ciantarins da denant che à daidè ciantè para la mëssa, mo ince chi che é gnüs ala festa, l'cor Kerygma y l'cor di Èi de Badia. N giulan particular ti va al dot. Lois Trebo y süa fomena Maria, ala Daria Valentin y al Felix Ploner.

N gran giulan al Comun de Badia y ales autoritès politiches provinziales y tl setur dla müjiga y dl ciantè. N gran lalt y giulan ai coghi cun a cé l'Paul Valentin, ala Uniun dles Ètes y dles Patrones, ales chelneres y ala Uniun di Bacans Jogn, ai fotografs, al moderadù Heinz Canins, al Lois Lërchegger, ala Uniun di Ustis de Badia, al Comité dl cor, a düc i benefaturs y a düc chi che à daidè cun val' sorvisc. Giulan a os, comunité de Badia, y ai amisc dl cor.

Sce valgügn ess interès de ciafè o cumprè l'liber, poi damanè do te colonia, pro l' dot. Lois Trebo o pro la Susi da Ruac. Les fotografies dla festa ciafun da cumprè da Freddy Planinschek.

L'Cor de Dlijia de Badia